



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 97. Papa Duci anathema, bellumque minatur.

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

§. XCVII.

Sæcul. XVI.
A.C. 1510.

*Papa Duci anathema bellumque
minatur.*

Hæc Alphonsi repugnantia merito sum-
mi Pontificis indignationem provo-
cabat; quocirca, ni protinus morem ge-
reret, eidem anathema comminatur, ut
que majorem Duci terrorem incute-
ret, in Romandiolam, atque Bono-
niam copias adduxit; qua re comperta
Ferrariensis Dux Galliarum Regis opem
implorabat, qui eundem mox in fidem
suam recepit: Papa vero, quod res erat
suspicatus, graviter, palamque conqu-
ritur, Ludovico exponens, eum a Came-
racensi foedere descivisse, quo cautum es-
set, ut Sedis Apostolicæ jura, dignitates,
ac prærogativæ a foederatis Principibus
quovis pacto sustinerentur, nec ii quo-
cunque ex prætextu Ecclesiæ clientum
patrocinium susciperent; ex adverso Gal-
liarum Rex Julium primo violati foederis
postulabat, eoquod admissis Venetorum
Deputatis anathema in eos vibratum sol-
visset, priusquam Imperator totam con-
tinen-

Raynald.

n. 12.

*Paris de
Grass. in ad.
confist. t. 3.*

Guicc. l. 9.

*Jul. II. Bull.
70. p. 41.*

I 3

tinen-

*di autem fingendi facilitas, quam solemnus sit
Continuatori, sedulus lector facile deprehendet,
si levi etiam brachio Scriptores ab eo allegatos
consulere non pigebit.*

Sæcul. XVI. A C. 1510. tinentis partem recuperasset, denique cederatos ad graviora, quam pacti legibus præscriptum, adstringere, omnino æquitati dissonum esse ajebat, præterea Ferrariensem, consentiente ipso Pontifice, foedere fuisse comprehensum, proin eum tueri, cederatos obstringi dicebat.

§. XCVIII.

Gallarum Rex cum Cæsare in Papam conspirat.

Raynald.
num. 16.

Ergo Julius, quod propriis viribus obtinere desperabat, sociorum auxilio assequi conabatur; Ludovicus vero, cum Papam Ferrariensi arma illaturum prospiceret, ut Pontificis copias aliorum distraheret, novos tumultus suscitare satagit. Ergo collatis cum Maximiliano consiliis statuit, quod ineunte mense Majo hinc Galli, illinc Germani omnes continentis urbes, quæ adhucdum Venetorum imperio parebant, infestis armis adorirentur; Cæsar vero Forum Julium, si illud suis duntaxat copiis expugnaturus esset, sibi soli, nulla illius parte Regi data, vindicaret, pari quoque jure cuncta solis Gallorum armis in continenti parta eisdem cederentur: Si tamen belli necessitas utriusque Nationis exercitum conjungere suaderet, occupata inter se dividerent, pro parte laboris, quem ad victoriæ successum quis-